



Broj: 10-27-137-3/18
Zenica, 06.07.2018. godine

Ministarstvo za obrazovanje, nauku, kulturu i sport Zeničko - dobojskog kantona, na osnovu člana 4. Uputstva o o formiranju i organizaciji ispitnih komisija za vozače motornih vozila, objavljuje:

JAVNI POZIV

za evidentiranje osoba zainteresiranih za rad u ispitnim komisijama za vozače motornih vozila

Pozivaju se licencirani ispitivači iz teoretskog dijela ispita, licencirani ispitivači iz upravljanja motornim vozilom i licencirani ispitivači iz poznavanja prve pomoći, koji su zainteresirani za rad u ispitnim komisijama za vozače motornih vozila Zeničko-dobojskog kantona, da izvrše popunjavanje evidencijskih listova za ispitivače. Evidencijski listovi mogu se preuzeti na web stranici Zeničko-dobojskog kantona (www.zdk.ba) i u prostorijama Odsjeka za poslove saobraćajne edukacije Ministarstva za obrazovanje, nauku, kulturu i sport Zeničko-dobojskog kantona (Metalurški institut „Kemal Kapetanović“) ulica Travnička cesta br. 7. u Zenici.

Uz popunjene evidencijske listove potrebno je priložiti:

- ovjerenu kopiju važeće vozačke dozvole,
- ovjerenu kopiju važeće dozvole instruktora vožnje,
- ovjerenu kopiju odgovarajuće licence ispitivača,
- kopija diplome ili svjedodžbe o završenom obrazovanju (napomena: uvjerenja o završenom obrazovanju, osim uvjerenja s visokoškolskih ustanova na kojima je jasno naznačeno da se izdaju i vrijede do izdavanja diplome, nisu prihvatljiva),
- potvrdu o prebivalištu ili boravištu,
- potvrdu o nezaposlenosti (za osobe koje su nezaposlene),
- uvjerenje nadležne policijske uprave da licencirani ispitivač nema izrečenu mjeru sigurnosti ili zaštitnu mjeru zabrane upravljanja motornim vozilom u posljednjih 5 (pet) godina,
- ovjerenu izjavu (na unificiranom obrascu) da nije osoba iz člana 8. stav (8) Uputstva o o formiranju i organizaciji ispitnih komisija za vozače motornih vozila. Obrazac izjave može se preuzeti na web stranici Zeničko-dobojskog

kantona (www.zdk.ba) i u prostorijama Odsjeka za poslove saobraćajne edukacije (napomena: Izjave koje nisu date na unificiranom obrascu nisu prihvatljive).

Da bi se evidencijski list i prateća dokumentacija smatrala ispravnom, potrebno je pridržavati se sljedećeg:

- u evidencijskom listu smiju biti upisani samo podaci koji se traže, evidencijski list na kojem su upisani nepotrebni, nezahtijevani ili neistiniti podaci smatrat će se neispravnim,
- u evidencijskom listu moraju biti označene sve licence koje ispitivač posjeduje, inače će se evidencijski list smatrati neispravnim,
- kopije potrebnih dokumenata moraju biti jasno i lako čitljive,
- kopije dozvola instruktora vožnje i/ili licenci ispitivača ne moraju biti ovjerene ukoliko su izdate od strane Ministarstva za obrazovanje, nauku, kulturu i sport Zeničko-dobojskog kantona,
- licenca ispitivača iz upravljanja vozilom prihvatljiva je ukoliko su u njoj upisane sve kategorije i potkategorije koje ispitivač posjeduje kao instruktor vožnje,
- iznimno od prethodne alineje, licenca ispitivača iz upravljanja vozilom, izdana od strane Ministarstva za obrazovanje, nauku, kulturu i sport Zeničko-dobojskog kantona, prihvatljiva je i ako u njoj nisu upisane sve kategorije i potkategorije koje ispitivač posjeduje kao instruktor vožnje, uz uvjet da je ispitivač podnio zahtjev za izdavanje nove licence ispitivača i uz evidencijski list priložio dokaz o tome,
- kopije dokumenata (vozačka dozvola, dozvola instruktora vožnje i licenca ispitivača) čiji je rok važenja istekao ili će isteći do roka naznačenog kao krajnjeg za dostavljanje dokumentacije, prihvatljive su ako ispitivač priloži dokaz da je pokrenuo proceduru izdavanja novih dokumenata,
- ovjere kopija dokumenata, kao i uvjerenja nadležnih policijskih uprava ne smiju biti stariji od 30 (trideset) dana.

Popunjeni i potpisani evidencijski listovi, zajedno s priloženom dokumentacijom dostavljaju se na adresu: Ministarstvo za obrazovanje, nauku, kulturu i sport Zeničko-dobojskog kantona, ulica Kučukovići broj 2. Zenica, i to **najkasnije do 13.08.2018. godine**

Sve ostale informacije mogu se dobiti na telefon broj: 032/460-678.

Nepotpuna, neispravna ili neblagovremeno dostavljena dokumentacija neće biti uzeta u razmatranje.

MINISTAR

Mensur Sinanović s.r.



Bosna i Hercegovina, Zenica, Kučukovići br. 2
Tel: 032/460-840, fax: 460-842
e-mail min.obrazovanje@zdk.ba